

Suliniummot nalunaarusiaq

Amitsumi aqerluusassaqaarfimmik misissuineq

GreenRoc-ip Nanortaliup eqqaani, Amitsumi, aqerluusassaqaarfimmik (grafitimik) tunisassioqittoqalernissaanut pilersaarut.

Juuli 2024-imi allataq

Eqikkaaneq

GreenRoc Strategic Materials Plc-ip Amitsumi aqerluusassamik (grafit-imik) piiiaffiusimasup ammaqqinnissaa sulissutigaa. GreenRoc-ip pilersaarutai naapertorlugit piiiaffik 2026/2027-mi sanaartorneqarsinnaavoq, tunisassiornerlu 2028-mi aallartilluni. Tamanna pisinnaassaaq akuersissutit pisariaqartut pineqarpata aningaasaliisussanillu nassaartoqarpata. Amitsumi piiiaffik GreenRoc-ip ataani suliffeqaarfimmit Greenland Graphite a/s-imit ingerlanneqassaaq, suliffeqaarfik Kalaallit Nunaanni nalunaarsorsimassaaq, Nuummilu allaffeqarluni.

Aqerluusassaq (grafit) tassaavoq mineral-i taartoq, toqunartortaqqanngitsoq, batterinik tunisassiornermi – soorlu biilit innaallagiartortut batteriini – pinngitsoorneqarsinnaanngitsoq. Aqerluusassanut akugisakkanik tunisassiorneq ukiumut 80.000 tonsinik annertussuseqassaaq. Ukiumut arlaleriarluni umiarsuartigut pisisunut nassiunneqartassapput. Aqerluusassap batteriini atoriaannanngorlugu suliareqqinnissaa nunani allani (Norgimi immaqalu USA-mi) pisussatut pilersaarutaavoq, suliareqqiinermi kemikalianik annertuunik atuisoqartussaammat, tamassumalu Kalaallit Nunaanni ingerlanneqarnissaa ajornarmat.

Aatsitassarsiorfik ukiuni ikinnerpaamik 22-ni ingerlanneqassaaq inunnillu ikinnerpaamik 170-inik sulisoqassalluni. Sanaartornermi inuit 90-it suliffissaqartinneqassapput. Sulisut piumasut Nanortalimmi najugaqarsinnaapput. Suliffissat ataasiakkaat Nanortalimmiissapput. GreenRoc-ip Nanortaliup Amitsumu akornanni ikaartaammik attaveqarsinnaaneq misissorpaa. Amitsumi najugaqarusuttunut aamma Amitsumi inissialiortoqassaaq.

GreenRoc-ip kalaallinik pingaartumillu kujataamiunik sulisoqarnissaaq, pingaartippaa. Sulisunik pikkorissaaneq pisariaqartitsineq malillugu pisassaaq.


GreenRoc-ip aamma naatsorsuutigaa kujataani sulisitsisut niuertullu akuunissaannut periarfissaqassasoq. Amitsumi nerisassiornermi inuussutissanik nutaanik pisariaqartitsisoqassaaq, taamaattumik aalisartunut, piniartunut nunalerisunullu isumaqatigiissusiortoqarsinnaanissaa aamma periarfissaavoq.

Suliaq

Aatsitassarsiornermut inatsit nutaaq tunngavigalugu suliniummot nalunaarusiaq aamma aqerluusassamik isumalluutit annertussusaannik naliliineq tunngavigalugit piiiaanissamut akuersissummik qinnuteqartoqarsinnaavoq. Suliniummot nalunaarusiaq una Greenrocip qalluinissamut akuersissummik qinnuteqarniarnerani alloriarneruvoq siullem. Tamatuma kingorna Greenrocip inuiaqatigiinnut sunniutaasussanut nalunaarusiornermi (VSB) aamma avatangiisinut sunniutaasussanut nalunaarusiornermi (VVM) aallaaviusussat tusarniutigeqqaassavai, taakkulu akuerineqarpata nalunaarusiat pineqartut suliarineqareerpata tusarniaassutigeqassapput.

Aallaqqaasiut

Nanortaliup eqqaani sumiiffinni arlalinni aqerluusassaqaarfii nalunnginneqarput. GreenRoc Nanortaliup eqqaani 187 km²-inik isorartutigisumi misissuinissamut akuersissuteqarpoq (ass. 1 takujuk). GreenRoc 2015-imili Amitsumi, qanga piiaaffiusimasumi (ass. 1-imi "Amitsumi piiaaffitoqaq"), Nanortaliup eqqaani aqerluusassaqaarfinni nalunnginneqarnerisaavoq qanga Amitsumi piiaaffiusimasooq, tassanilu tunisassiornerup aallarteqqinnissaanut periarfissat misissorneqarput. Amitsumi piiaaffiusimasooq Nanortalimmit 20 km-inik avannarpasinneruvoq 1914-imiillu 1922-mut ingerlanneqarluni. Taamani pisimasut Nanortaliup katersugaasiviani takussutissartaqarput.




Ass. 1: GreenRoc-ip misissuinissamut akuersissuteqarfii MEL 2013-06 (qorsuk taartoq) aamma 2022-03 (qorsuk qaamasooq) nunap assingani takuneqarsinnaapput. Amitsumi piiaaffitoqaq MEL 2013-06-imi ilaavoq.

Aqerluusassaq (grafit) kusugaasaq tassaavoq pinngoqqaammik Karbon-inik taamaallaat akulik. Minerali taartuuvoq, aqitsoq toqunartortaqaanngitsoq, taamaattumik aqerluusatut allaatitut atuarfinni allaat atorineqartarluni. Aqerluusassaq sisannut mattusaatitut atorineqartarpoq, saffiugassanut aammaartunut kuitsivittut, elektrod-itut, punnerusaatitut (tarngutitut) aammalu bremsinut kinequtitut.

Ukiuni aggersuni grafit-imik pisariaqartitsineq annertuserujussuartaassaavoq silap allanngoriartornera pakkersimaarniarlugu biilit innaallagiatortut amerliartupiloornerat malitsigalugu. Aqerluusassaq biilit innaallagiatortut batteriivinut akuuvoq, batterip oqimaassusiata tallimararterutaata missaa aqerluusassaalluni. Biilip innaallagiatortup ataatsip sananeqarnerani aqerluusassaq 100 kilo sinnerlugu pisariaqartinneqartarpoq. Taamaasilluni Amitsumi grafit-imik piiaaneq mingutsitsinaveersaarnermi iluaqutaasinnaavoq.

Amitsumi aqerluusassaq akugissaarpoq, tassa aatsitassap 20%-iata missaa aqerluusassaagami. „GreenRoc“-ip misissuinerata takutippaa Amitsumi aqerluusassaq pitsaasuusoq batteriliornernilu atorineqarsinnaasoq.


Amitsumi aqerluusassaq nunngarutini marlunni inissisimavoq, tassa nunngarummi qullermi aamma nunngarummi allermi aqerluusassaqaqfeqarluni (assiliartaq 2 takujuk). Nunngarutit aqerluusassallit taakku marluk Amitsumi ersaripput, avannamut 30-40 gradinik uingallutik (assiliartaq 3 takujuk).



Ass. 2: Aqerluusassamik qanga piiaafiusimasup sinnikui Amitsumi nunngarutit aqerluusassaqaqfiup allup talerpiatungaani ersipput.

Amitsumi aqerluusassaqaqfiup nunap iluani qanoq pissuseqarnera paasiniallugu 2021-mi 2022-milu GreenRoc misissugassanik qillerivoq. Misissuinerup takutippaa aatsitassaqaarfik 23 mio. tons-itut annertutigisoq, aqerluusassamik akua 20% missaaniilluni. Nunngarutit peqarfiusut

assigniinggiaartunik issussuseqarput 1-2 meterimit 20 meter tikillugu. Peqarfiup suli killilivinneqanngilaq, tassa avannamut, kimmuk kujammullu suli annerunissaa periarfissaalluni.



Assiliartaq 3: Amitsup kujammuk isuani nunngarutit aqerluusassaqaarfiit uani aappaluttumik sungaartumillu qalipaaserneqarsimapput. Nunap qaavani nuisaffii qorsunnik titartaanikkut erseqqissarneqarsimapput.


Qalluiffissatut pilersaarutaasoq

Amitsumi piiannissaq Greenland Graphite a/s-imit, Kalaallit Nunaanni nalunaarsorsimasumit, Nuummilu allaffeqartumit ingerlanneqassaaq. Suliffeqarfik taanna GreenROC-imit pigineqarpoq. Atorfinitsitsinerit tamarmik Greenland Graphite a/s-imit isumagineqassapput.


2023-mi ukiakkut siunnersuisarfik SLR Consulting ingerlanniakkap qanoq imminut akilersinnaatigineranik utaqqiisaagallartumik naatsorsuisinneqarpoq. Amitsumi qalluiffik nutaaliaasoq qanoq isikkoqarsinnaava? Aningaasartuutit iluanaarutillu qanoq annertutigisinnaappat? Misissuinermit imatut takorluuisoqarpoq:

Amitsumi aatsitassarsiorfitoqqap nalaani aatsitassarsiornermut atortorissaarutit tamarmik inissinneqassapput. Qaarusummut isaarissat allisinneqassapput, ilaatigullu atortussanut assigniinggisunut toqqorsivissatut atorineqassallutik. Aamma aatsitassanik suliareqqiiviit ilai

qaarusuup iluaniissapput. Aatsitassarsiorfitoqqap eqqaa qaartiterinikkut manissarneqassaaq, ujaqqat qaartitikkat sinerissami sumiiffinni aalajangersimasuni inissinneqassallutik, aatsitassalerinermi atortorissaarutitut toqqavissatut atorineqarlutik (assiliartat 4 aamma 5 takukkit).



Assiliartaq 4: Amitsup kujammut isuani immap itissusaata assinga. Ikkannersat aappaluttunik sungaartunillu qalipaasersimapput, tassaallutik ujaqqanik qaartitikkanik immerneqarsinnaasut aatsitassalerinermi toqqaviusinnaasut.



Assiliartaq 5. Amitsumi nunap qaavani aatsitassaleriffissat.


Aatsitassarsiorfitoqqap nalaani talittarfissaq nunniorneqassaaq. (Assiliartaq 6 takujuk). Nunniugaq Amitsumi aatsitassarsiorfimmud niusarfiussaaq, umiarsuarnut praminullu taliffiusinnaasoq, ujaqqanik betonimillu sanaaq. Aqerluusassamik (grafitimik) piianeq nunap iluani pissaaq. Qalluiffik nutaamik isaarialerneqassaaq maannakkut talittarfiup nalaani (assiliartaq 7 takujuk), tassuuna nunap ilua 200-300 meterisut ititigisumiittoq qinnikaartumik sulluliornikkut tikkineqarsinnaassalluni. Aatsitassanik qalluinerup annertunersaaq itinerpaamiit qummut ingerlassaaq (Assiliartaq 8 takujuk). Aatsitassarsiorneq 'Drift and Fill'-imik taaneqartartoq atorlugu ingerlanneqassaaq, tassa qaarusuliornikkut piianeq ingerlanneqareeraangat, aqerluusassaq ilanngaatigineqareerpat, ujaqqat aserortikkat sinneruttut (tailings) cementimik akuneqarlutik qaarusummut immiunneqaqquittarlutik. Tailingsit nunap iluanut immiutat issoreeraangata qaarusuliorneq qummut ingerlateqqinneqartassaaq, taamatut aatsitassanik qalluineq ataaniit qummut ingerlanneqassalluni. Ujaqqat aserortikkat sinneruttut (tailings) 80-85%-ii nunap iluanut uterteqqinneqarsinnaapput, taamaasiornikkut sinnikut (tailings) 15-20%-ii taamaallaat igitassiarineqassallutik.

Amitsumi nunniugassaq




Assiliartaq 6: Qanga aatsitassaleriffiusimasup nalaani talittarfissatut takorluugaq.

Piiaaffik tamakkiisumik tunisassiulerpap aatsitassat ukiumut 400.000 tonsit qallorneqartassapput. Aatsitassaq dumperit atorlugit aatsitassalerivimmup, ilaatigut nunap iluaniittumut, ingerlanneqartassaaq. Aatsitassaq aserorterneqareerpap errortuivimmi aatsitassap aqerluusassamik akui qaputsitsinikkut (flotation) puttallartinneqartassapput, nakkartinneqareerpatalu panertinneqassallutik. Puttallarsaat qaputsitsissut dieselimut assinguvoq, pinngortitami nungujasoq. Puttallartitsinikkut aqerluusassaq 95%-itut akugitsigisoq tunisassiarineqassaaq, poorsuarnut (big bags) immiunneqassalluni. Tamakkiisumik tunisassiorneq anguneqarpap ukiumut aqerluusassaq akugissagaq 80.000 tons miss. tunisassiarineqartassaaq. Poorsuit immerneqareerpata talittarfimmi pram-mimut issoranneqartassapput. Qaammatit tamaasa tunisassiat umiarsuarnit 10-15.000 tonsinik usisinnaasunit aaneqartassapput, Europap avannaani pisisartunut ingerlanneqartassallutik. Tunisassiornermi qinerneqarsinnaasoq alla tassaavoq, poorsuit aqerluusassamik imallit pram-mit atorlugit tunisassianik Nanortaliliaassisarnissaq. Nanortalimmut assartuisoqalissappat Nanortalimmi quersuarmik pisariaqartitsisoqalissaaq (nutaatut sanaassaq). Tassa aqerluusassamik tunisassiorneq tamarmi nunatsinni ingerlanneqarsinnaasutut naatsorsuutigineqarsinnaalluni.



Assiliartaq 7. Nunniugaq qaarusuullu isaariaa, paasiuminarsarlugu titartagaq.

Pilersaarutit malillugit suut tamarmik ingerlappata akuersissutillu pisariaqartut pissarsiarineqarlutik, taava pīaaffik 2026-mi sanaartorneqalersinnaavoq, 2028-milu Amitsumi agerluusassamik tunisassiorneq aallartissinnaassalluni.



Assiliartaq 8: Qinnikaartumik sulluliornikkut, aatsitassarsiorfiup itinersaa tikinneqarsinnaavoq.

Aatsitassaleriviit

Aserorteriivit aatsitassalerinermilu atortut amerlanersaat nunap iluani inissinneqassapput. Aamma atortussanik toqqorsivissaq maskiinalerivillu nunap iluaniitinneqassapput. Nunap qaavani nunniukkap saniatigut sulisunut najugaqarfiit, allaffik, igaffik, nerisarfik, ikiueqqaartarfik, qasuersarfik, sunngiffik, uffarfiit perusersartarfiit kiisalu saperngusarfik sananeqassapput. Katillugit inunnut 60-inut unnuiffissaqassaaq. Ukiuunerani illusisimaffiit matoqqasunik attavilerneqassapput, tikikkuminarsarlugit. Tarajuiat iluaqutigalugu imaq tarajuiagaq imerineqassaaq, periarfissaqaraangat imiisivik aamma puilasup imia aamma immerneqarsinnaassalluni. Aatsitassalerinermi atortorissaarutit imilersorsinnaanarlugit immamik minguaavik aamma sananeqassaaq. Imeq atornikoq kuutsitsinnagu salinneqaaqqaartassaaq.

Nukissiorfimmit 8 MW-isut annertutigisumit innaallagialq pissarsiarineqassaaq. Taanna aallaqqaammuit solaritortuussaaq, kingusinnerusukkut ammoniakitortumik nukissiummik, nukissiummillunniit allamik silamik ajoqusiinngitsumik, taarserneqarumaarpoq.

Taaku saniatigut pequusivik assartuinnermilu aqutit aamma inissaqartinneqassapput. Qaartartuusivik isumannaatsumik inissinneqassaaq, qalluiffimmit 500 meterisut ungasitsigisumi. Qalluiffiup qulaani qaqqajunnami qulimiguulimmut miffiusinnaasumik manissaasoqassaaq ajornartoornermi atorneqarsinnaasumik.

Amitsumit igitassanik nalinginnaasunik imermillu atornikumik igitisarneq akisussaaffilimmik, oqartussat inatsisaat maligassiaallu atuuttut malillugit, pisassaaq. Tusass-ip mobilinut attaveqaataanut attaviliisoqassaaq, piiaaffimmi sumiikkaluaraanniluunniit sianertoqarsinnaassallunilu internetikkullu attaveqarsinnaassalluni. VHF aqutigalugu Amitsumiit, Amitsumut angallatinullu attaveqarneq pitsaasoq qulakkeerneqarsinnaassaaq.

Nanortalimmi sanaartornissamut pisariaqartitsineq

Greenland Graphite a/s-imi atorfiit ataasiakkaat Nanortalimmi inissisimassapput– soorlu nassiussuinnermut, quersuarnik aqutsinnermut allaffissornermullu tunngasut. Allaffiit pioreersut attartorneqarsinnaanissaat naatsorsuutigineqarpoq.

Greenland Graphite a/s-ip aamma Nanortalimmi nutaamik tunisassiat toqqorsivissaannik quersualiortoqarsinnaanera nalilersorpaa, qaammatikkuutaartumik umiarsuaqartarnissaa aallaavigalugu. Nanortalimmi quersuaqarneq qinigassaavoq Amitsumi tunisassianik pram-mini inissiisarnermut taarsiunneqarsinnaasoq imaluunniit ilapittuutaasinnaalluni. Quersuarmik sanasoqassappat tunisassianut 10.000-20.000 tonsinut naammattariaqarpoq, tassa 3.000 m² miss.

Itillikasimmi imaluunniit Amitsup Itilliani sanaartortitsinissamut pisariaqartitsineq

Aqerluusassap illikartereernerani ujaqqat aserortikkat sinneruttut igitassiat (tailings) tallimararterutaasa missaat piiaaffiup avataani inissinneqartariaqarput. Ukiuni 22-ni piiaaffiup ingerlanneqarnerani tailingsit katillugit 600.000 kubikmeterit missaanniissapput. GreenRoc tailingsinik toqqorsinissamut periarfissat marluk siunnerfigivai. Aappaa tassaavoq Amitsup Itillia (Assiliartaq 9 aamma 1 takukkit), piiaaffimmit 7 kilometerinik avannarpasinnerusoq aappaalu tassaalluni Sermersuumi Itillikasik (Assiliartaq 10 aamma 1 takukkit) Amitsup akiani.

Amitsup Itillia toqqarneqarpat aatsitassat sinnikui igitassat (tailings) pram-minik aatsitassarsiorfimmiit immakut sineriak atuarlugu assartorneqarsinnaapput imaluunniit assartuut (transportbånd) atorlugu nunakkut assartorneqarsinnaallutik. Amitsup Itillia 100 meterit missaannik qutsitsigisumiippoq, igitallu tamakkerunik 6 meterisut portussuseqassallutik, ammaannartumiillutik. Illuaqqat pisariaqartinneqassapput, soorlu sakkuusivik oqquusimaarfillu.

Itillikasik toqqarneqarpat aatsitassat sinnikui igitassat (tailings) tatsip itinersaanut inissinneqassapput. Taseq pineqartoq 30 meterisut ititigivoq, qalluinerlu naammassippat sulii 15

meterisut ititigissalluni. Taseq 40 meterisut qutsitsigisumiippoq. Aatsitassat sinnikui igitassat Amitsumit lastbil-inut immiullugit pram-mi atorlugu ikaarunneqarsinnaapput. Pram-mi ullormut arlaleriarluni ikaartariaqartassaaq. Itillikasimmi nunniugaq aqutugalugu lastbili tatsimut qummukaassisassaaq, igitassallu ruujori aqutugalugu tatsip naqqanut kivisinneqartassallutik. Itillikasimmi generatorimik inissiisoqassaaq, sakkuusiveqassaaq oqquusimaartarfeqassallunilu.

Aatsitassat sinnikui aseroreernikut (tailings) pissusaat sukumiisumik misissorneqartussaapput avatangiisinullu sunniutaasinnaasunik nalunaarsuineri allaaserineqarlutik. Aatsitassat sinnikuinik igitsivissamik toqqaanermi Aatsitassanik Suliassa qarfinnut Avatangiisinut Aqutsisoqarfik (ASAA) isumasiorneqassapput.



Assiliartaq 9: Amitsup Itilliani aatsitassat sinnikuinut aserortikkanut (tailings) inissiiffiusinnaasoq (Assiliartaq 1 aamma takujuk).



Assiliartaq 10: Itillikasimmi, Sermersuumi, Amitsuup kitaatungaani aatsitassat sinnikuinut aserortikkanut (tailings) inissiifiusinnaasoq (assiliartaq 1 aamma takujuk).

Suliffissat

Aatsitassarsiorfimmik sanaartornermi aammalu aatsitassarsiorfiup tunisassiulernerani tunisassiornerani suliffiusinnaasut nalunaarsorneqareerput. Nalunaarsuinerit utaqqiisaagallarpur, misissuinerit arlallit naammassereerpata iluarsartuunneqarumaarlutik.

Suliffiit sapinngisamik amerlanerpaat nunaqavissunik inuttalersorniarneqarput. Suliassat ilaat immikkut ilisimasalinnit suliassaapput, pingaartumik sanaartornerup nalaani. Taamaattumik sulisussat ilaat avataanit tikisinneqartariaqassapput. Qujanartumik kalaallinik piginnaasaqarluartunik sulisartoqarlunilu suliffeqarfeqarpoq. Pingaartumik tunisassiornerup nalaani (2028-miit) GreenRoc-ip immikkut suliniutiginiarpaa innuttaasunik sulerusuttunik pikkorissaanissaq, pisariaqartitsineq malillugu, pikkorissaanikkut piginnaassutsit pisariaqartinneqartut anguneqartarmata. Sisimiuni aatsitassalerinermut ilinniarfik aallaqqaataasumik oqaloqatigineqareerpoq. Ilinniaqqinneq ilaatigut Amitsumi qalluiffimmi pisinnaavoq, Nanortalimmi ilinniartut ilisimasallillu sanileriissillugit ilisimasanik avitseqatigiinnikkut ilinniarnaq ingerlanneqarsinnaavoq. Aamma Aatsitassalerinermut Ilinniarfiup GreenRoc-illu suleqatigiinnerisigut pikkorissanerit ingerlattarsinnaalluni.

Sanaartornerup nalaani suliffissat

Suleqatigiikkaat marluk paarlakaattut atorlugit, amitsumi aatsitassarsiorfimmik sanaartorneq ukiut marluk missaanni sivilissuseqassaaq. Aatsitassarsiorfimmik sanaartornermi sulisut katillugit 88-iussapput (Tabeli 1 takujuk). Taakku saniatigut kiffartuussinerit aamma pisariaqartinneqassapput, soorlu nerisassiorneq, niuerniarneq, eqqiaaneq il.il. Aatsitassarsiorfimmik sanaartortut ilarpassui umiarsuarmi akunnittarfiusumi najugaqarallassapput, aatsitassarsiorfiup najugaqarfissai naammassitserlugit. Sinneri Nanortalimmi najugaqartinneqarsinnaassapput.

Tunisassiornerup nalaani suliffissat

Aatsitassarsiorfik tamakkiisumik tunisassiulerpat inuit 170-it missaat suliffissaqartinneqassapput. Taakkunannga inuit 135-it qalluiffimmi suliareqqiivimmilu suleqatigiinni paarlakaattuni pisariaqartinneqassapput (suleqatigiit pingasut tamarmik 45-nik inuttallit - tabeli 2 takujuk). Kiisalu inuit 37-it paarlakaallutik suliaartortartut pisariaqartinneqassallutik, soorlu pisortat, allaffissornermi sulisut, ikiortit/ sullissisut (suleqatigiit marluk tamarmik 19-nik inuttallit - tabeli 3 takujuk). Qalluinnermi suliareqqiinnermilu suliaqartut sulisarnissaat aqqissorneqarsinnaavoq sap. ak. sisamat sulereeraangata sap. ak. marluk sulinngiffeqartinneqartarlutik. Taamatut aqqissuussineq suliniut siuarneruppat Sullivinnik Nakkutilliisoqarfimmut isumaqatigiinniutigineqassaaq.

Aatsitassanik qalluinnermi assartuinnermilu suliaqartut maskiinat ingerlasut atortussaavaat, taamaattumillu pikkorissaqqinnerit pisariaqassapput. Aamma mekaniker-it innaallagisserisullu aatsitassalerinnermut pikkorissarsimasut pisariaqartinneqassapput. Ilaatigut Aatsitassalerinnermut Ilinniarfimmi, ilaatigullu qalluiffimmut qanittumi, periarfissat apeqqutaallutik GreenRoc pikkorissaaqqinnissamut neqerooruteqartassaaq.

Aammattaaq pisiniarnermut, nerisassiornermut, eqqiaanermut il.il. suliassat Kujataani najugalinnit isumagineqarsinnaaneri naatsorsuutigineqarpoq. Igaffilerinneri assigisaanilu pikkorissaanerit pisariaqassappata GreenRoc aqqissuisinnaavoq.

Angallannerup ineqarnerullu iluani inuussutissarsiutitigut periarfissat

Amitsumi unnuisarfegalissaaq nerinissamut sukisaarsaarnissamullu periarfissalimmik, taamaattumik sulisut piumasut Amitsumi najugaqarsinnaapput. Nanortalimmi najugaqarnissaaq aamma periarfissaavoq. Amitsoq Nanortalimmit angallammik 20 minutit missaanni tikinneqarsinnaavoq (assiliartaq 1 takujuk). Nanortaliup Amitsullu akornanni ullut tamaasa suliaartortunik angerlartunillu ingerlassisinnaasumik angallammik ilaasartaammik inissiisoqarsinnaanissaa GreenRoc-ip misissorpaa. Taamaasiortoqarsinnaappat Nanortalimmiut Amitsumi aatsitassarsiorfimmut ullut tamaasa suliaartortarsinnaanissaminnut periarfissaqassapput.

Amitsumi pisariaqartitat qanittumi pisiniarfinnit piniarneqartassapput, periarfissat malillugit. Amitsumi igaffimmut toqqaannartumik– soorlu aalisakkanik pisarerlaanik; puisinik, arferit savaaqqallu neqaannik; naatitanillu tunisinissamut, Aalisartut, piniartut, savaatillit nunalerisullu periarfissinneqassapput.

Innaallagisserisut, sanasut, ruujorilerisut, kiassaatilerisut (VVS) kiisalu mekanikerit/saffiuut aserfallatsaaliuinneri suliassanut pisariaqartinneqassapput aatsitassarsiorfissap sananeqarnerani

kingornalu tunisassiornerup nalaani. Suliassanut tamakkununga Amitsumut qanittumi suliffeqarfiit sapinngisamik suliassinneqartassapput.

Aatsitassarsiorfiup matunissaa avatangiisinillu iluarseeqqinnissaq

Amitsumi aatsitassarsiorneq unitsinneqarpat sanaartukkat peerneqassapput qaarusummullu isaarissat isumannaatsumik matuneqassallutik. Avatangiisinik iluarseeqqinnissap annertussusissaa Kalaallit Nunaanni oqartussanut isumaqatigiinniutaassaaq. Iluarseeqqinnissap annertussusaa avatangiisinut sunniutaasinnaasunik naliliinermik (VVM) nalunaarusiornerini aamma inuiaqatigiinnut sunniutaasinnaasut (VSB) nalunaarusiornerini siunnersuusiorfigineqarumaarput.

Tabeli 1: Sanaartornermi sulisussat pisariaqartinneqartut:

Suliaq	Suleqatigiit ataatsit	Sulisut katillugit
Sanaartornermi pisortaq	1	2
Ingeniør aatsitassalerisoq	1	2
Ujarassiooq	1	2
Formandi	2	4
Qillerisoq	1	2
Qaartiterisoq	1	2
Assaassutip aquttua	2	4
Usilersuutip dumperillu aquttua	5	10
Oqimaatsumik ingerlatsisoq	6	12
Sanaartorneq	4	8
Sulisarteq ilinniarsimasoq	20	40
Katillugit	44	88

Tabel 2. Tunisassiornermi sulisartut pisariaqartinneqartut (Qalluineq & Suliareqqiineq).

Suliaq	Suleqatigiit ataatsit	Sulisut katillugit
Qalluineq		
- Qillerussuarmik Jumbo-mik ingerlatsisoq	5	15
- Bolterisoq/qaarsumik isumannaarsuisoq	5	15
- Qaartiterisoq	3	9
- Qillerisoq LHD	5	15
- Usilersuisoq, dumperi	5	15
- Qaarusunnik Teknikeri	4	12
- Aserfallatsaalisoq	5	15
Suliareqqiineq		
- Suliareqqiisoq	2	6
- Igitassanik qaarusummut ammukaassuisoq	1	3
- Aserfallatsaalisoq	4	12
Nunap qaavani / aaqqissuussisut		
- Nassiussuisoq	2	6
- Sulisut	2	6
- Aserfallatsaalisoq	2	6
Katillugit	45	135

Tabeli 3. Tunisassiornermi sulisartut pisariaqartinneqartut (Ikiuineq & Sullissineq).

Suliaq	Suleqatigiit ataatsit	Sulisut katillugit
Tunisassiorneq		
- Pisortaq	1	1
- Ingeniør ilisimasaqarneq	1	2
- Ingeniør aatsitassalerisoq	1	2
- Ingeniør silaannarissaasoq	1	2
- Ujarassiooq ilisimasaqarneq	1	2
- Ujarassiooq	1	2
- Ujarassiuunngorniaq	1	2
- Uttortaaasoq	1	2
- Uttortaaup ikiortaa	1	2
- Ingeniør suliareqqiisoq	1	2
Alla<eqarneq		
- Isumannaallisaaneq & peqqinnissamut siunnersorti	1	2
- Pequusivilerisoq, nassiussuisoq	1	2
- Peqqissaasoq	1	2
- Ikiortit, eqqiaasut	3	6
- Igaffimmiut	3	6
Katillugit	19	37